

Sarajevo, 19-01-2026
Broj: 73-11-3-2035

Na osnovu člana 70. Zakona o javnim nabavkama („Službeni glasnik BiH“, broj 39/14,59/22 i 50/24), člana 48. Statuta KCUS-a (Sl.novine FBiH br. 73/13), član 24. stav 1. Pravilnika o javnim nabavkama Kliničkog centra Univerziteta u Sarajevu (65-04-2-4654 od 01.02.2023. godine), na prijedlog Komisije za javnu nabavku Izvještaj br. 73-33-4-1083-3 od 16.01.2026. godine, Generalni direktor donosi:

ODLUKU

o izboru najpovoljnijeg ponuđača za
**„Nabavku zidnih šina i nosača za medicinske uređaje za bolesničke sobe i jedinice intenzivne njege“
za potrebe više OJ KCUS-a**

I

Prihvata se prijedlog Komisije, po Izvještaju br. 73-33-4-1083-3 od 16.01.2026. godine, nakon provedenog otvorenog postupka javne nabavke objavljenog na portalu e-nabavke dana 19.12.2025. godine pod brojem obavještenja 893-1-1-562-3-1112/25 za „Nabavku zidnih šina i nosača za medicinske uređaje za bolesničke sobe i jedinice intenzivne njege“ za više OJ KCUS-a i ugovor dodjeljuje najpovoljnijem ponuđaču:

T-CONSULTING d.o.o. Sarajevo

„Nabavka zidnih šina i nosača za medicinske uređaje za bolesničke sobe i jedinice intenzivne njege“

Zemlja porijekla/proizvođač /kataloški broj: Slovenija, EU; MEDICOP 1600003 i 1610020

Vrijednost nabavke iz člana 1. ovog ugovora iznosi:

Ukupna vrijednost bez PDV-a:	121.800,00 KM
Iznos PDV-a 17% :	20.706,00 KM
Ukupna vrijednost sa PDV-om:	142.506,00 KM

- Cijene su nepromjenjive za cijeli ugovoreni period do okončanja ugovorenih obaveza;
- Plaćanje ugovorenih obaveza vršit će se odgođeno u roku 30 dana od dana isporuke, montaže i ispostavljanja fakture. Sredstva za nabavku obezbjeđena od strane Federalnog Ministarstva zdravstva.
- Rok za isporuku i montažu: 60 (šezdeset) dana od dana potpisivanja ugovora i prijema narudžbenice od strane ugovornog organa;
- Garantni period u trajanju od 12 (dvanaest) mjeseci za isporučenu opremu teče od dana montaže. Sve troškove održavanja za vrijeme trajanja garantnog perioda snosi dobavljač.
- Predviđeno je zaključivanje jednokratnog ugovora do okončanja ugovorenih obaveza.

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1. Tenderske dokumentacije, ukoliko istu nisu dostavili uz ponudu, u skladu sa dostavljenom Izjavom ponuđača, a ne starijih od 3 mjeseca računajući od momenta predaje ponude.

III

Ova odluka stupa na snagu danom donošenja i bit će objavljena na web stranici KCUS-a, kao i dostavljena ponuđačima učesnicima u postupku javne nabavke.

OBRAZLOŽENJE

U skladu sa Odlukom KCUS-a broj: 73-04-4-40333-1 od 24.11.2025. godine, pokrenut je postupak javne nabavke putem otvorenog postupka objavljenog na portalu e-nabavke pod br. 893-1-1-562-3-1112/25 od 19.12.2025. godine za „Nabavku zidnih šina i nosača za medicinske uređaje za bolesničke sobe i jedinice intenzivne njege“ za više OJ KCUS-a. Procijenjena vrijednost nabavke iznosi 121.800,00 KM bez PDV-a. Predviđeno je zaključivanje jednokratnog ugovora do okončanja ugovorenih obaveza.

Nabavka je planirana Izmjenama i dopunama Plana javnih nabavki za 2025. god. pod kategorijom „robo investicije“ redni br. 373 (Odluka o usvajanju Izmjena i dopuna Plana javnih nabavki Kliničkog centra Univerziteta u Sarajevu za 2025. godinu, br. protokola 65-04-2-39225 od 14.11.2025. godine). Sredstva za nabavku obezbjeđena od strane Federalnog Ministarstva zdravstva. Uslovi plaćanja predviđeni za postupak nabavke su : odgođeno plaćanje u roku 30 dana od dana izvršenja ugovorenih obaveza i ispostavljanja računa (na osnovu dopisa Sektora za finansijske, knjigovodstvene i planske poslove br. 56-11-3-39457 od 17.11.2025.godine).

Ugovorni organ je 19.12.2025. godine objavio tendersku dokumentaciju pod brojem 893-1-1-562-3-1112/25 na portalu e-nabavke koju je preuzelo 11 (jedanaest) potencijalnih ponuđača: EKAPIJA d.o.o.; BBS EUROPE; TENDERI d.o.o.; R&S d.o.o.; STEPMED d.o.o.; DERBY TRADE d.o.o.; SABA d.o.o.; OR METAL DESIGN VI.Omer Softić; ALFA-MED d.o.o.; PROMA d.o.o. i T-CONSULTING d.o.o.

U ostavljenom roku za predmetnu nabavku blagovremeno su dostavljene 2 (dvije) ponude na protokol KCUS-a, što je evidentirano i Zapisnikom o zaprimanju ponuda broj 73-33-4-1083 od 12.01.2026.godine:

Red. broj ponude	Naziv ponuđača	Broj i datum ponude	KCUS broj, datum i vrijeme prispijeća ponude	Ukupna cijena ponude bez PDV-a (KM)
1.	ALFA-MED d.o.o. Tomislavgrad	0925270_7-1 05.01.2026.	10-11-3-916 od 09.01.2026.godine u 13:47	120.971,27
2.	T-CONSULTING d.o.o. Sarajevo	01/266/25 od 30.12.2025.godine	10-11-3-980 od 12.01.2026.godine u 08:32	121.800,00

Komisija imenovana Odlukom Generalnog direktora KCUS-a broj 01-04-4-861 od 09.01.2026.godine i Izmjenom i dopunom Odluke br.01-04-4-861-1 od 15.01.2026.godine je izvršila detaljnu analizu i ocjenu dostavljenih ponuda i Zapisnikom o pregledu i ocjeni ponuda br. 73-33-4-1083-2 od 14.01.2026.godine konstatovala sljedeće:

1. Ponuda ponuđača ALFA -MED d.o.o. Tomislavgrad, ne uzima se u dalje razmatranje, ista je ocjenjena kao NEPRAVILNA iz sljedećih razloga:

- Tenderskom dokumentacijom tačkom **5. Garancija za ponudu traženo je:**

5.1. Da bi učestvovali u postupku javne nabavke dobavljači trebaju dostaviti u originalu bezuslovnu bankovnu garanciju za ozbiljnost ponude (u daljem tekstu: garancija za ponudu). Iznos tražene garancije za ponudu je 1,5% od procijenjene vrijednosti nabavke bez PDV-a sa rokom važnosti opcija ponude .

5. 2. Garancija za ponudu se dostavlja u formi datoj u prilogu tenderske dokumentacije.

5.3. Ukoliko uslov za dostavljanje garancije ne bude ispunjen, ponuda će biti odbijena. Garancija se ne smije bušiti radi ulaganja uz ponudu već treba biti dostavljena na sljedeći način: – originalna bankarska garancija se pakuje u plastičnu foliju koja se na vrhu zatvori naljepnicom na koju se stavlja pečat ponuđača ili se otvor na foliji zatvori jemstvenikom, a na mjesto vezivanja zalijepi naljepnica i otisne pečat ponuđača;

Ukoliko garancija za ozbiljnost ponude nije dostavljena na propisani način, shodno prethodnom, ugovorni organ će takvu ponudu odbaciti

5.4. Postupanje sa garancijom za ponudu vršit će se u skladu Pravilnikom o obliku garancije za ozbiljnost ponude i izvršenje ugovora ("Službeni glasnik BiH" br. 90/14 od 18.11.2014. godine).

Ponuđač ALFA-MED d.o.o. Tomislavgrad – u sklopu ponude nije dostavio Garanciju za ponudu što je u suprotnosti sa traženim.


Obzirom na naprijed navedeno Komisija je jednoglasno donijela zaključak da se **ponuda ponuđača ALFA-MED d.o.o. Tomislavgrad ocjenjuje kao NEPRAVILNA i ista ne može učestvovati u daljem toku natjecanja.**

2. Ponuda ponuđača T-CONSULTING d.o.o. Sarajevo, ispunjava uslove definisane tenderskom dokumentacijom, odnosno ispunjava formalno-pravne i tehničke zahtjeve, te stoga može učestvovati u daljem toku natjecanja.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 4. Stav 2) u kojem je regulisano kako se e-aukcija ne može provesti u slučaju prijema jedne prihvatljive ponude, te se postupak okončava u skladu sa članom 69. stav 1 pod a) ZJN.

Uzimajući u obzir naprijed navedno, Komisija Zapisnikom o pregledu i ocjeni ponuda br. 73-33-4-1083-2 od 14.01.2026.godine i Izvještajem br. 73-33-4-1083-3 od 16.01.2026.godine predlaže da se ugovor za „Nabavku zidnih šina i nosača za medicinske uređaje za bolesničke sobe i jedinice intenzivne njege“ za više OJ KCUS-a dodijeli ponuđaču T-CONSULTING d.o.o. Sarajevo.

Prijedlog Komisije je prihvaćen i donosi se odluka kao u dispozitivu.



POUKA O PRAVNOM LIJEKU: Protiv ove Odluke može se izjaviti žalbu najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđaču;
- Služba za javne nabavke
- a/a KCUS